

- LABÈLÉTVAL -

Mésiézédam                      Yo pa ka tann  
Kòlè kidam                      Ki las atann  
Yo ka désann                    Dan 4 zétwal  
Lé san kabann                  Labèlétwal  
Mésiézédam                    Pandan yo la ka juvé danm

Pala manjé ka jété              Lè ou wè vant pé pa ankò  
Pala manjé sé razyé            Lè ou wè vant pé pa ankò  
Wo, mi bankoulélé

Bèf dèyè bwè dlo sal            Mi bankoulélé  
Bèf douvan dan skandal        Mi bankoulélé  
Tout mizérab pa ka trapé myèt    Mi bankoulélé  
Douvan Bondyé sé lajan ki mèt    Anmitan bankoulélé  
Sé mizè-yo ka palantjé drapo

Mésiézédam                      Gaïa o zabwa  
Pa ni jandam                    Pou fè lalwa  
Yo ka véyé                      Asou gwo môdan ka vann pa môso  
An kabouré                      Ki toujou chayé yo

Pa ni bobo san nimèd            Pa blyé ayen pli lèd  
Alò tandé lapawòl              Madiba baý kon bousòl  
Lédikasyon isiba                Sé pli gran zam ki ni pou chanjé sa  
Maréy asou pitjèt                Ou asiré pyébwa ké lèvé dwèt  
Wi, san bankoulélé

Menm si sé pa grand chose      Mwen ka baý pou la cause  
Menm si ti chanté-tala            Sé pa diskou lèna  
Menm si yo soukwé tèt            Mété mwen alafèt  
Mwen ké kontinyé rouzè        Pou lanmou pa séché  
Pou sòti adan bankoulélé

*Wélélé kannaval*                      *Sé pa bankoulélé*  
*Titiyé lamoral*                        *Sé pa bankoulélé*  
*Totoblo ti manmay ka jwé*        *Sé pa bankoulélé*  
*Kòlè manman lè i lèvé faché*      *Sa sé pa bankoulélé*

*Partajé mōso pen*                      *Adan bankoulélé*  
*Konsi sé mwen ki fen*                *Adan bankoulélé*  
*Mwen pa sav sa dēmen ké pôté*    *Adan bankoulélé*  
*Mé mwen sav jōdi sa m'pé pôté*    *Pou baré bankoulélé*

*Pou baré bankoulélé*                      *Pou baré bankoulélé*

*Ad Lib*

*(Wi baréy pou sa ka dōmi labèlétwal*  
*Pou Gaïa anba Soley*  
*La belle Étoile...)*